

# Myauzcuz Beixnuengx Angqhoh Cietmyauznienz

## 苗族同胞欢庆苗年节

□Bonjbauq gicej Veiz Yennaz/韦愿娜

12 nyied 21 hauh, mbwn gvengqliulu, ndit raeujrubrub. Ndaw Gvangjsih Minzcuz Vwnzvuyen, sing gyonglaz yiengj dungdung, sing go goksasa, 700 lai boux beixnuengx Myauzcuz youq Nanzningz guh gunghcoz haenx youq gizneix ciengq go diuqfoux, angqhoh Daih 27 Gaiq Cietmyauznienz.

Cietmyauznienz dwg aen ciet conzdungj Myauzcuz, gaenq miz haj cien bi nanz lo. Youq angqhoh ngoenzciet ngoenzde, gyoengq beixnuengx Myauzcuz byaujyenj ciengq go diuqfoux Myauzcuz, roq gyonglaz Linzdung, diuq fouxvenz caijdangz, ndeiawj dangqmaz, yinxdaeuj hauilai bouxyouz daeuj yawj. Yungzsuij Myauzcuz Swciyen Vwnzlenz lij youq ngoenzciet gawjbanh “Yungzsuij Minzcuz Funghcingz Ingjsiengq Canjlanj”.

Cietmyauznienz cuvejivei cujyin Gvanj Bingluz youq gwnz ciet gangj vah naeuz, cijmiz youq dangj lingjdauj baihlaj, lwgminz Myauzcuz gwndaenj cij ngoenz beij ngoenz ndei. De gujli gyoengq beixnuengx Myauzcuz aeu haengjheiq haenqrengz bae gensez guekcoj, vih saedyienh siengjmuengh Cungguk okrengz.



▲Bouxciepban.



▲Gyoengq beixnuengx Myauzcuz angqhoh ngoenzciet, diuq fouxvenz caijdangz.

◀Laux coz caez angq boq venz.



▲Doeg Vahcuengh Sawcuengh doxdax yienhciegz.

### Dwzbauj Yen Guh Siujhagseng Doeg Sawcuengh Doxdax

#### 德保县举行小学生壮语文朗读比赛

Vihliux cauh aen fwnveiz noengznwd doeg saw ndeu, gikfat siujhagseng doiq doeg Sawcuengh mizyinx, beizyangj hagseng miz sibgvenq ndei maij doeg saw, daezsang hagseng doeg saw suijbingz, 12 nyied 13 hauh, Dwzbauj Yen guh siujhagseng doeg Vahcuengh Sawcuengh doxdax. Daengx yienh miz 3 aen yangh (cin) 7 aen Sawcuengh sawqniemh hagdangz caeuq Dwzbauj Yen Duh' anh Cunghsinh Youwzyenz gungh 30 boux hagseng daiybauj camgya gezsai. Ginggvaq doxdax, doeklaeng, Vangz Licingh, Loz Liginz doengzhag aeu ndaej cuj banyozcenzbanh itdaengj ciengj, Vangz Liveiz doengzhag aeu ndaej cuj nienzgaep daemq itdaengj ciengj, Hij Ginz caeuq Hij Yilenz doengzhag aeu ndaej cuj nienzgaep sang itdaengj ciengj.

(Lij Cangzvu Luz Sanh/ 李常务 陆 杉)

## Gunghcwngz Hagseng Hag Gozyoz

### 恭城学生学国学

Vihliux dazyinx hagseng swnjcienz conzdungj vwnzva guek raeuz, fazyangz gij coengmingz caeuq meijdwz ndaw saw gozyoz, gyagiengz swhsiengj binjdawz siuhyangj, daj bi 2012 daeuj, Gunghcwngz Yauzcuz Swciyen Daih' it Siujyoz couh hai aen ban “doeg saw ginghdenj gozyoz”, ngoenzsinghiz youq ndaw Gunghcwngz Vwnzmyau hwnjdangz, son saw 《Diswjgveih》、《Sawsamcih》、《Sawciencih》、《Lunyij》 daengj. Guh gij hozdung neix, sawj hagseng gag rox ciepswnj caeuq fazyangz Cunghvaz minzcuz conzdungj ndei haenx, roengzrengz guh boux hagseng dwz ci dij cienzmienh ndaej fazcanj haenx, ndaej daengz vunzlai haenhndei.

(Cwng Ciminj/郑智敏)



▲Gyoengq hagseng nyinhcaen dingq lauxsae gangj goq.

## Nungzminz Yienj Ndei “Heiq Caijdiu”

### 农民坚守“彩调梦”



▲Nungzminz gag bien gag lienh heicaiidiu.

Yangzsoz Yen Buzdauz Cin Mbanjbauanh caijdiu vwnzva gaenq miz bak bi nanz lo. Gaijgwz hailangh le, vunzmbanj ok bae dajgoeng, vunz ciengq caijdiu ngoenz beij ngoenz noix, aen dui caijdiu ndaw mbanj hix sanq lo. Seizneix, vihliux swnjcienz caijdiu yisuz, vunzmbanj youh gag comzbaenz caijdiudui, gag bien gag yienj heiq hawj vunzmbanj yawj, maqmuengh heiq caijdiu ndaej daihdaih cienz roengzbae.

(Cangh Lizboh)